
RAGAD ADVERTENTIE:

Kabar premili: 1 — 30 temboeng f 1.—
Langkoengipoen, saben 10 temboeng oetawi kirang: f 0,50.

Advertentie limrah: f 0,15 sagaris;
(apes: f 1,25).

Moendoet kapatjak langkoeng saking sapisan, oetawi moendoet dados lengganan, tepang rembag roemijin kalijan administratie.

Hoofdredacteur:

B. SOEMARNA

kabantoe

REDACTIE - COMMISSIE.

SWARA-TAMA

SERAT KABAR KATHOLIEK

== Medal saben dinten Djoemoewah. ==

REGINIPOEN LENGGANAN

SWARA TAMA

sampoen kalijan regining Soera Katholiek

1 taoen . . . f 7,50 } njoewoen kabajar
1/2 .. . f 3,75 } roemijin.

Adresipoen Redactie lan Administratie

IGNATIUS-COLLEGE

DJOKJAKARTA.

Drukkerij „Canisius“ Djokja.

ISINIPOEN:

Ngatoeraken kasoegegan — Kekirangan teda — Keblinger moeroegaken keder — Gesang rerajatan lan djagad social — Wadjibing iboe — Djagad goeroe — Pasemon-pasemon ing salebeting padalangan — Pangroekti Laja ing Djokja — K. W. ing Djokja — Elèking warsa énggal — Ontjèn sekar gambir melati — Oerap-sari — Correspondentie.

NGATOERAKEN KASOEGEGAN.

L. S.!

Tanggal 25 December!

Dinten poenika OMOEMOIPON kaanggep dados bakdan-ipoen kadang Katholiek Djawi, minangka lelintoenipoen 1 Sawal, lan njingkir sampoeng ngantos golongan kita dipoenanggep bakdan wonten tanggal 1 Djanowari, kados bangsa Walandil!

Para maos!

Swara Tm. ingkang isi seratan poenika, moegi pandjenengan anggep dados lelintoenipoen REDACTIE toewin ADMINISTRATIE Sw. Tm. sowan ngatoeraken kasoegegan: „bekti, taklim toewin pamodjji“ datang Pandjenengan sadaja, wonten ing tanggal 25 December. Manoengsa makaten, sekèng! Boten wonten ingkang lepat ing kalepatan toewin kalintoel Mila, sadaja kalepatanipoen Redactie toewin Administratie, moegi Pandjenengan leboer kè-mawon, kaboetjal datang sagan-tan pangapoenten!

Pangadjeng-adjeng koela ingkang sami tandang damel wonten Redactie toewin Administratie, moegi Pandjenengan sadaja pikantoe barkah rahmating Goesti Allah; toemoesipoen datang garwa, poetra, toewin wandawa maharani: wiloedjeng, tentrem, ajoe, jowana.

REDACTIE lan ADMINISTRATIE.

PRADJA RAHAJOE.

KEBLINGER MOEROEGAKEN KÉDER.

Sinareng Pen. maos oréanipoen sadèrèk Sasra ing Swara-tama no. 44. inggih poenika bab „Nasib“, ingkang ka-voordracht-aken déning sadèrèk S.H.S.; ing ngandap pijambak wonten oengel-oengelanipoen: „Voordracht koela poenika soemangga sami dipoen-galih.“

Mestiniipoen ingkang katoedjoe nggali poenika, boten sanès inggih sadèrèk-sadèrèk ingkang wonten ing Parepatan ngrikoe.

Ewasamanten Pen. kapeksa toemoet-toemoet nggagas, djalaran saking kepranan manah koela, angènipoen mak „plek“ sami, moeroegaken badaring boendelan koela, ingkang koela simpen lami.

Pen. boten badé njrékal voordrachtipoen sadèrèk S.H.S. (tjjang sampoeng sami) namoeng badé nabahi sakedik.

O, lakar inggih makaten; kasingihan sanget pangandikanipoen sadèrèk S.H.S. jèn „tjjang Djawi poenika ingkang keblinger.“ Dadosipoen tanah Djawi dawah ing pangowaosing kradjan sanès, dadosipoen daganganing (pamedaling siti) tjjang siti karegem ing tanganing Tjina, dadosipoen kasoegehanipoen tanah Djawi doemoenoeng (mang-gèn) ing bangsa mantja, poenika sadaja, djalaranipoen boten sanès saking „keblinger.“

Tjjobi koela badé mendet boekti, sakedik: Wonten satoeingiling tjjang doesoan, pikantoe sawer ageng satoenggal, ladjeng kasadé datang Tjina ingkang tjelak kalijan doesoanipoen ngrikoe, kalijan regi f 4 (kawan roepijah). Tjina ingkang noembas sawer waoe ladjeng datang kita ingkang inggih boten tebih kalijan (doesoan waoe) ndjoedjoe datang

grijaning taukenipoen, njrijosaken jèn angsal sawer ageng pandjangipoen . . . m. Taukè teroes ngabani f 30, — (tigang dasa) noenten kèng-kènan moeroegi sawer poenika.

Lah poenika sadèrèk, mangka boten sapisan, saben-saban inggih mekaten.

Sadèrèk-sadèrèk Djawi ing satjelaking doesoan ngrikoe inggih sampoeng wonten ingkang ngretos, jèn weloelang sawer poenika awis reginipoen, malah-malah wonten ing pabrikipoen (ingkang nampèni waloelang sawer), éwasamanten sami kèndel kè-mawon, boten poeroen ngilaki.

Malih sadèrèk! Ing panggenaning Pen. poenika kalebet katah dagangan woeloe wetoening siti (pantjen tanahipoen loh), saben éndjing, langkoeng-langkoeng jèn Pekenan, ing margi doemoegi ing doesoan, katah Tjina loeroegan saking kita, preloe magang: wos, peté, djanganan, kemokoos, manis djangan, kopra, palawidja enz. enz. Angsal-angsalanipoen sami winadahan ing grobag, dados pinten-pinten grobag.

Sadèrèk! koela (Pen.) sampoeng njoemerepi pijambak, kemokoos sawidjikan namoeng regi 4 sèn, manis djangan sabengket 2 sèn, madoe sasopi (gendoe ageng) 25 sèn. Tjjobi sadèrèk, sareng sampoeng wonten ing Tjina, kemokoos sawidjikan saged medal 50 sèn, manis djangan 30 sèn, madoe (ladjeng kawoworan toja gendis) langkoeng saking f 2,50 (saringgit).

Jèn kaserah oetawi kaandaraken sadaja boekti-boektinipoen jèn tjjang Djawi „keblinger“ poenika wah boten rampoeng 3 dinten, langkoeng-langkoeng manawi doemoegi totilan, rèntenan, pasar malem, badan (Landi, Tjina, Djawi enz.) enz. saja nglantrah, mila koela tjekak semanten kè-mawon.

Sapoenika gentos datang kaoem blandjan. Wah, badé kekel kapeksa boten saged, awit ratjak mèh sami, saben tanggal enèm inggih karoe-boeng ing Tjina. Katamoean, tamoe-nipoen preloe nagih, datang Patjnan (prijantoe) perloe . . . njaoer. Mila angger plentong tanggal, pantjen bingoeng; bingoeng anggenipoen badé mbagi, mila ladjeng kabeket kentjeng, kabekta datang panggenan . . . , dipoenaben, wekasan . . . telas, mantoek kalijan ngemoet . . . dridji, doemoegi ing grija paben kalijan sèmahipoen, wah ngisin-isini; prijantoe djé ngaten, ning . . . kaprah, dados . . . loewes; ha-ha!

Mila inggih jektos, tjjang „keblinger“ poenika moeroegaken „kèder“, tegesipoen „kèder gesangipoen“, ngamal kadonjan boten gadah, ngamal kasowewargan karisak. Wah, mesakaken, ning . . . ratjak.

Sapoenika kados-poendi, kita kaoem blandjan (langkoeng-langkoeng goeroe), soepados boten gampil kènging ngèlmoes moesibat (mainan), boten sanès kita kedah sampoeng (adja) tilar oekoeran. Sandang, peganggé, teda, pirantosing grija, sèwan grija enz. poenika sadaja kedah kaoekoer kalijan blandjanipoen. Sampoeng ngantos blandja f 30, — badé njamèni kalijan blandja 75, — inggih mesti bobrok.

P. G. H. B. roemijin sampoeng naté ngrembag „actie mendalam“, maksoedipoen ingkang sapérangan „ndandosi panggesanganipoen pijambak-pijambak (tiap-tiap goeroe haroes hidoep dengan sederhana). Sadèrèk-sadèrèk rak ngertosta watesipoen hidoep sederhana! Wonten ing poendi watesipoen? Wonten ing „pamedal“, rak inggih ta?

Bangsa Intellectueelen Indonesia, sami tjantjoet tali wanda, nandang (ndandosi) bab economienipoen bangsa Indonesia. Mangga sadèrèk, langkoeng-langkoeng sadèrèk goeroe (awit goeroe poenika pemimpin tjalon tjjang) sami ngajati ndandosi economie kita inggih sampoeng bibrah. Sadèrèk! sampoeng kesoepe, ndandosi economienipoen pijambak kedah karoemijnaken. Oe-

koeran-oekoeran, sampoeng ngantos kantoen.

Sampoeng samanten kè-mawon roemijin; ingkang badé njambet soemangga.

Wasana koela matoer noewoen datang sadèrèk Sasra lan S. H. S. Njoewoen sagoenging samodra pangaksama.

Raga semangsang.

LARASATI.

GESANG RERAJATAN LAN DJAGAD SOCIAL.

Wewenang lan wadjibing tjjang djaler datang tjjang èstri lan kosok-wangsoel.

Toedjoening manoesna poenika ngloehoeraken Goesti Allah toewin kabegdjan langgeng. Mila angger tjjang krana dawoeh Dalem Goesti Allah kedah mitoeleugi sesami ing prakawis poenika; langkoeng-langkoeng tjjang djaler èstri, ingkang sampoeng katoenggiaken dados satoenggal, sampoeng samestiniipoen kedah toeloeng-tineloeng; kalih-kalhipoen kedah saèta kapti, ngoedi sagedipoeng gesang oetami lan soetji. Sampoeng kendat-kendat woelang-woelang, serep-sinerepan, sampoeng kendat njoekani toelada saé; poenapa malih sembah angipoen saben dinten dipoen-ganjer. Wonten bi-joe ng oetami njoekani woelang datang anakipoen èstri ingkang angsal tjjang ingkang ragi ndonjani makaten: „nggèr, kerepa ngomongaké Goesti Allah marang bodjomoe, ananging kerepa matoer Goesti Allah bab bodjomoe.“ Tegesipoen? Para maos sampoeng njandak; tjjang kalih kedah djagi-djinagi, sembah-jang-sinembahjangan, soepados tansah raket pasowewitanipoen, sampoeng ngantos benggang saramboet kè-mawon.

Gesangipoen tjjang Katoelik witan inggih makaten poenika. Wonten ing poendi-poendi tansah atoe roentoet; sembahjang sareng, sijam toewin mati raga inggih sareng. Wonten poenapa-poenapa dipoenanggi tjjang kalih; pait getiring ngagesang pinikoel tjjang kalih; manis sakètaning ngagesang inggih dipoenraosaken tjjang kalih.

Wewenangipoen tjjang djaler menggahing tjjang èstri, boten kèngingkaetjakakensakadjeng-kadjeng; panganggeipoen tjjang djaler datang tjjang èstri boten kènging kados datang réntjang toembasan oetawiréntjang limrah, nanging kedah kados datang badanipoen pijambak, sebab tjjang èstri poenika sisihanipoen tjjang djaler (levensgezellin).

Tjjang djaler poenika dados pandjagi toewin pangajoman, mila wadjib njoekani sandang teda satjekapipoen. Dados manawi wonten tjjang djaler ingkang boten mardoeli datang anak sèmah, ngawoet-awoet banda kanggé pados kasenganganipoen pijambak, ngetjèh-etjèh arta kadamel rojal, poenika manoe Rasoe! agoe Santo Paoloes, tjjang ingkang njélaki pangandelipoen, sampoeng nglangoengi para ingkang boten gadah pangandel.

Déné menggahing tjjang èstri, kados atoe koela nginggil, wadjib mbangoen mitoeuet ingkang djaler ing samoeakawis, ingkang boten awon toewin ingkang kepanggih ing nalar. Santo Paoloes ngandika: „wong wadon, dipada mbangoen mitoeuet marang bodjomoe, dikaja marang Goesti pribadi.“ Tjjang èstri sadjati boten dadak ngentos abanipoen ingkang djaler; ananging sampoeng ngertos pijambak krenteng manahipoen ingkang djaler toewin najogjani (ngroemijini) pika-djanganipoen. Manawi tjjang djaler margi tegoe, seserepan toewin kodratipoen dados pangageng sarta pangajomaning brajat, tjjang èstri margi kawatakanipoen toewin kasagedanipoen (gaven) tinoeuding dados bijoe, toekang pandidik laré, pinidji mitoeleugi ingkang djaler lan njepeng barang isèn-isèning grija.

Tjjang èstri poenika margi aloes-

KEKIRANGAN TEDA ING MANGGARAI.

(FLORÈS KILÈN).

Pandjenenganipoen Pastoe R. Wolfs, wonten De Koerier 14 December, ngandaraken bab kekirangan teda ing Manggarai, soera osipoen makaten.

Ing bawah Manggarai, sampoeng dangoe kambah ama tikoes, andjalari kiranging teda ing koekoeban ngrikoe. Saking poendi asaling tikoes² waoe, pandjenenganipoen P. Wolfs boten mangertos, nanging kinten-kinten kè-mawon kabekta saking kasèbipoen datang ing djawah ing taoen kapengker, andjalari tikoes-tikoes énggal sanget bebranan; wasana sareng ing wana sampoeng katelasan teda, ladjeng sami ambjoek datang pategilan.

Manawi tetjjang ing Manggarai pijambak, anggenipoen njebabaken warni kalih. Sepisan margi dajaning djawah awoe kala 5 Agustus 1928, njarehgi pandjebloegipoen redi latoe ing poelo Paloeéh. Kaping kalih, margi oelam lodan. Oelam lodan (ikan paes) poenika waoe manawi daloe sami minggir datang pasisir angababi poelo ngrikoe ladjeng ndjalari wontening tikoes pinten-pinten.

Tjekak, badéja kados-poendi-kados-poendi sababipoen, ing ngrikoe naté kaambah badjag tikoes, malah sapoenika manoe tjarijosipoen tetjjang inggih taksih wonten pinten-pinten.

Ichtjar ngitjalaken tikoes waoe dèrèng wonten ingkang sampoerna, tjespleng! Saking Nagari inggih dèrèng pikantoe djampi. Tetjjang ngrikoe sami migoenakaken pasangan, nanging dèrèng saé, toer boten nje-kapi kanggé ngitjalaken tikoes matoes-atoes poenika. Sawenèh wonten ingkang anggenipoen njirnakaken sarana segawon, nanging kados-poendi tjjang segawon-segawon ing ngrikoe boten patos katah.

Sampoeng wiwit kala woelan Mei, tetjjang sami kekirangan teda bakoe: djagoeng toewin pantoen. Malah ing Roeis, Tjongkar, Bibing lan Rem-bong babar pisan sampoeng boten wonten djagoeng oetawi pantoen. Tetjjang ladjeng sami datang wana, andoeoek „raoet“ (manawi tjara Djawi bokmanawi kè-mawon: gadoeng). Kasangsaran waoe wonten woelan Juli, Agustus, September saja ngambara-ambara. Pakampoengan sami soewoeng, tetjjangipoen djaler èstri, anèm, sepoeh sami datang wana ngoepados bonggoling wit-witan toewin woh-wohan, nanging kènging kawastanan boten pikantoe poenapa². Margi, wana waoe sampoeng dangoe anggenipoen boten ngedalaken kasil inggih kabekta saking éwon tjatjahing tjjang ingkang ngoepados teda mrikoe. Margi makaten waoe,

ing sarandoening angganipoen, margi saking remen tetoeloeng datang sesami, gadah watak welasan, takad ing salebeting wonten sambékala, ladjeng nama prajogi jèn ladjeng toemoet ngèntèngaken, manawi wonten pait getiring ngagesang. Tjjang èstri ingkang kadjabah ngengliipoer ingkang djaler manawi kadoedjoe soesah; tjjang èstri ingkang kedah ngengageng manahipoen ingkang djaler, samangsa ketoewoehan manah nrimah mopo, sampoeng boten gadah pangadjeng-adjeng; tjjang èstri ingkang gadah bagèan ngoepakara ingkang djaler, jèn pinoe-djoe sakit.

Kalimrahanipoen tjjang djaler njamboet damel ing sadjawaning grija; déné tjjang èstri lerep ing salebeting grija; ing ngrikoe ngoerbanaken kekijatanipoen sadaja kanggé anak-sèmah. Watak resikan, raos datang adi pèni, langkoeng-langkoeng winantoe katresnan lan oelat manis asoemèh, poenika rengganipoen tjjang èstri, inggih dados rerengganipoen grija; poenika ingkang badé ngresepaken ingkang

tetjjang sami klambrangan wonten satengahing wana. Anggenipoen ladjeng sami klambrangan wonten satengahing wana, weteng loewé, ngombé toja reged, andjalari salebetipoen woelan Djoeli, Agoestoos, Septembèr, atoesan tjatjahipoen tjjang ingkang pedjah wonten wana, wonten satengahing margi, toer pedjahipoen ndadak sakit dysenterie, lss.

Tjatjahing pepedjah katah sanget, langkoeng-langkoeng laré-laré alit lan laré sesapan. Wiwit woelan Aug. doemoegi sapriki, pandjenenganipoen P. Wolfs ambaptis laré 500, poenika ingkang pedjah sampoeng wonten 50. Malah salebetipoen Sept. lan Oct. katah tjjang tiwas déning longontsteking.

Tetjjang ingkang saras sami ngili datang papan sanès, ambektani barang-barang lan radja-kajanipoen, kasadé kalajan mirah-mirahan waton kènging kanggé toembas sekoel oetaw djagoeng; botenipoen makaten kalintokaken tetedan. — Nagari, kala woelan Oct. sampoeng wiwit ameng-galih.

Margi katahing pepedjah, pategilan sami ngentak-entak, bera boten kataneman. Kadjawi poenika inggih margi sami boten gadah bibit toer adat ing ngrikoe amaleri samangsa wonten tjjang pedjah boten kènging njamboet damel ing salebetipoen 4 — 5 dinten.

Sawenèhing sakolahan-sakolahan kagoenganipoen P. Wolfs sami telas moeridipoen, inggih margi dajaning kekirangan teda waoe.

Sasampoenipoen ngandikakaken bilih moerid-moerid ingkang sapoenika taksih wonten, lan tetjjangipoen P. Wolfs, sami keloewèn, pandjenanganipoen ladjeng moendoet kadarmenipoen para Katholiek.

Sinten ingkang kapareng paring pitoeloengan soepados ngintoenaken pitoeloenganipoen waoe loemantar redactie De Koerier ing Bandoeng, mawi katrangan: „voor pater Wolf's noodlijddenden.“

Kadang Katholiek Djawi! Kadang pandjenengan toenggil Panoetan ing Manggarai sami kalowèn. Mangga sami dipoenpitoeloengi! Pakempalan K. W. ing papan pandjenengan koela tanggel mesti inggih poeroen dados lantaran, nglantaraken datang De Koerier, oetawi toeroesan datang pandjenenganipoen P. WOLFS S.V. D. Missionaris Manggarai, Reo, Roeteng FLORES. Malah K.W. lan P.P.K.D. sampoeng toemandang!

Tooneel-club, poenika lo wonten damel!

A.

WADJIBING IBOE.

Saé awoning wewatekanipoen poetra, ingkang ing tembé badé dados tjjang ingkang badé dados isèn-isèning pradja, sanjata bilih dados sesanggèning wanita. Saja-saja ing djaman sapoenika, para prija prasa-sat boten naté wonten ing grija, sadinten moepoet késah ngoepaja sandang boga, mèh boten kober babar pisan ngrembag poetra.

Toedjoenipoen ing sapoenika



ATOER OENINGA.

— Gandèng kalijan liboeran December toemrap kantja Drukkerij, Swara Tm. ingkang pantjènipoen medal béndjing Djemoewah, kawedalaken ing dinten poenika.

REDACTIE lan ADMINISTRATIE.



sampoèn kelebet njekapi, pamoe-
langan-pamoe-
langan ingkang kanggé para poetri, soepados ing tembé woeri, para wanita sageda ndjagi ing anak rabi. Saja katah para wanita ingkang bablas sinaoenipoen, katah pangertosipoes, djembar seserepanipoen, ageng katékadanipoen. Nanging sapinten tjatjahipoen para wanita ingkang saged dangoe ngrasosen ngasta pedamelan ingkang tentoe inggih ladjeng gesang sesarengan kalijan para kakoeng, inggih poenika dados garwa, ingkang ing ladjengipoen oegi badé dados iboe.

Poenapa ta koewadjabanipoen para iboe?

1. ngGoela-wentah, ndedasari we-
watekan, ndjagi bagus kasarasaning
soekma lan raganipoen para poetra.
2. Ngrembag dahar saha agem-
agemaning kakoengipoen saha poe-
tranipoen.

3. Nata lan ndjagi, ngrimati isèn-
isèning dalem, amrih sampoèn gam-
pil risak lan itjal.

Koewadjaban ingkang samanten
katah saha ageng-agengipoen, boten
kénging ginagampil, sinambi-sambi
tindakipoen.

Sapoenika para wanita kok badé
toemoet-toemoet ngrembag bab Po-
litiek. Poenapa politik poenika
kénging kasambi-sambi kalijan mo-
mong, masak-masak, nata-nata se-
sekar, meubel, njerat (mbatik)
lan sapanoenggilanipoen, pedame-
lanipoen para iboe wonten ing
dalem? Poenapa ing salebetipoen
momong poenika sinambi ngasta
(maos) serat-serat kabar ingkang
ngemot pergerakan politik, jèn be-
tak kalijan njanding boekoe-boekoe
wetboek, mangké gek sangit, jèn pi-
noedjoe ngasta njerat (mbatik) oetawi
ngrénda oetawi soelam-soelam, si-
nambi ngendikan bab badé perang-
ipoen Amerika lan Djepang?

Temtoenipoen inggih ladjeng
ninggah abdi kalih poenapa tiga,
setoenggal kapilih ngratengi daharan
(koki), setoenggal ndjagi (momong
poetra), satoenggal lados lan kapa-
srahan salebeting dalem.

Inggih ingkang saged. Poenapa
bilih badé wonten pakempalan Po-
litiek Perempoean poenika ingkang
dados ledenipoen namoeng para
ingkang saged nginggah réntjang
(para kaja-kaja). La, iboené si gen-
doek ki engko prije?

Andjawi poenika bab oewet-ren-
tenging dalem, saha panggoela-
wentahing poetra boten kénging
kapsarahaken babar pisan dateng
abdi. Poenapa pandjenengan dèrèng
naté midanget tjang raosan: „Poe-
trané dèn Anoe kaé kok kemproh
temen, nggragas, nakal, ora ana
èmper-èmperé babar pisan karo
rama-iboené. Toer rama-iboené kaé
rak weton sekolahan ta.”

Mila koela atoeri ngawat-awati
kémawon saking ing wingking
(njampé ing dalem). Dados kados
tandanging wanita ingkang katilar
perang ing raka, ndjagi dahar lan
sedija mimis, lan damel bantoe
(inggih poenika nggoela-wentah
poetra).

F. J. ABOE.

ONDERWIJS

DJAGAD GOEROE.

Sadèrèngipoen koela ngedalaken
wawasan ébaling djagad goeroe,
koela sanget matoer sèwoe noewoen
dateng saodara H. Mèmper, ingkang
sampoèn karsa mboemboni (djantoni)
goebahan koela: „Volksschool—Ver-
volgsschool” ing Swara Tama no. 36,
ing kawat ing Sw.Tm. no. 40.
Eerste blad 4de en 5de kolom. Margi
saking boemboenipoen H. H. Mèm-
per, goebahan koela ingkang soe-
waoenipoen tjemplang, ladjeng da-
dos: „nikmat, legi goerih awangi”
sanget miraos.

Kala samanten pangrembag koela
pantjèn kirang toemoendjem, margi
namoeng koela anggé ngojak titeling
karangan. Sareng kadjantonan sae-
dara H. Mèmper, kok inggih ladjeng
gandem. Boten langkoeng: proficiat.
Sapoenika ngrembag djedjering
rembag djagad goeroe:

Wonten wartos bilih ing Batang,
sapoenika wonten cursus G.D. kanggé
ngoedi (nempoeh) eindexamen N.S.
Dados saminipoen Normaalleergang
toemrapipoen G.D. Margi saking
poenika G.D. saindenging Midden
en Oost Java sami mèri. Sami njoe-
woen soepados ing sanès panggènan
oegi kawontenana cursus poenika
waoe déning ingkang wadjib. É, èh,
kabèh—kabèh ndjalok pada karo
N. S. ers! G. D. lan G. B. ers ndja-
loek pada, Kw. S., H. K. S. ers ndja-
loek djadjahané!!! Hara jèn N.S. ers
boten dipoensoekani mergi, rak badé
pèndèng, kedjepit wonten tengah.
Panjoewoen koela moegi lawangipoen
N.S. ers i.p. Gijmnastiek lan Taal-
cursus énggal kawengakna! (Mrt.)

Sadaja G.D. sampoèn sami tampi
circulaire ing salebetipoen woelan
Oct. ingkang kapengker. Ing circu-
laire waoe katerangaken bilih wiwit
béndjing 1 Januari 1930 eerste be-
noemingipoen G.D. f 20. Poenapa
H. Mèmper sampoèn priksa? Jèn
dèrèng, moendoeta Soeara Goeroe
Sekolahan Désa (S.G. S.D.) jorgaan-
ipoen G.D. ingkang medal ing
woelan Oct. Kantoen ngentosi sa-
kedap. Indakanipoen G.D. badé sa-
ben 3 taon sepisan, katahipoen f 1.
Sareng sampoèn 16 taon, i.p. sa-
reng blandja sampoèn dados f 25
sawoelanipoen indakanipoen ladjeng
f 2,50 Djangkepipoen f 40 sasam-
poenipoen 25 taon.

Koela mireng rembagipoen G.D.
sakiwa-tengen panggènan koela, ang-
sal kanoegrahan kados makaten poe-
nika meksa boten marem, awit jèn
dipoenétang malah roegi, sami oegi
kalijan G.B. kala sami tampi wale-
dan poenika. Jèn dipoentingali sa-
keplasan pantjèn éti, ning nglebet-
ipoen.! Pamaréntah pantjèn
boten bodo, wasis, saged noeroeti
panjoewoenipoen kawoela, ingkang
katingalipoen mbingahaken!!!

P.G.K. (Pak: Goeroe Kasoeltanan)
margi kataman soedaning blandja,
ladjeng tjabang-tjabang P.G.K. riboet
ngwontenaken vergadering perloe
ngrembag njoewoen dipoensamèka-
ken G.D. ing Goepermènan. Manawi
sadaja tjabang sampoèn ngwontena-
ken vergadering sadaja, tjalon badé
ngwontenaken Openbare vergadering
lan badé ngoelemi Bestuur G.K., K.B.,
P.M.S., P.G.H.B. preloe dipoentèdani
pretimbangan. Prakawis poenika tem-
toe badé karembag béndjing wonten
congres P.G.H.B. tanggal 16—19
Februari 1930.

Mangka koela mireng (kabar angin)
G.D. ing tanah Goepermènan inggih
njoewoen dipoensamèkaken P.G.K.,
djalaran P.G.K. volipoen sasampoen-
ipoen 20 taon. Tjobi dipoentèntosi
kadadosanipoen!!

Ing Kroja wonten comité kanggé
N.C. ingkang dipoenpangarsani Hr.
Sardja. Kados-poendi haloeanipoen
panjerat boten pados terang. Hr. Sar-
dja mentas dipoendatengi H.B. P.G.B.
saking Djokja, kapoerih njandèkaken
kadjengipoen ngwontenaken comité,
meksa boten poeroen.

Sadèrèng goeroe Neutraalschool ing
Djokja nembé kémawon ngawisi moe-
ridipoen dados padvinder I.N.P.O.
lan S.I.A.P. djalaran padvinderij ka-
lih warni poenika dipoenwastani soe-
lapan saking pakempalan P.N.I. lan
P.S.I. Mangka pakempalan P.N.I.
sapoenika dados awisaning negari.
Moerid Neutraal kapoerih mlebet
padvinder ikgang katoentoen ing
Hr. Ranef kémawon.

Margi saking poenika Neutraal-
school ing Djokja ladjeng angsal
critiekan radi katah saking sanès go-
longan. Djare Neutraal, djeboel ja
doeroeng Neutraal tenan!

A.M.S. Directeur A.M.S. ing Djokja
ndidik moeridipoen soepados: „anti
oorlog.” Pandjenenganipoen nerang-
nerangaken bedamèn ingkang di-
poentèken Verdrag van Versailles,
sarta prakawis Volkenbond. Moerid
A.M.S. ing klas nginggil pijambak
ingkang montjèr sanget kesagedani-
poen ing atasing poenika waoe, la-
djeng dipoen-gandjar boekoe.

Wanita Indonesia: Mej. Moedinem
tampi gandjaran boekoe: „Le mar-
chand de Bagdad” saking pradja
Fransch, lan boekoe: „Die Frauen
jenteits der Onzeane” saking pradja
Duitschland.

Jongheer Soetikna tampi boekoe:
Grundlagen der deutsche Teologie.”
lan „Hinter Pflug und schraubera-
stack.” (Poenika jèn boten klèntoe
panjerat koela lol! Mrt.)

Moeda Indonesia kekalih waoe
tanda jèn montjèr kasagedanipoen.

Panjoewoen koela moegi-moegi
missie onderwijzers sampoèn ngan-
tos kantoen, anggenipoen njebar wi-
dji „anti oorlog” kalijan golongan
sanès.

Directeur M.U.L.O. Zending ing
Solo oegi mentas kedjawahan cri-
tiekan langkoeng-langkoeng critiek sa-
kih B.O., djalaran directeur waoe
mentas ngedalaken moerid ingkang
namoeng sebab nganggé koeploek
Indonesia. Nalika laré waoe nganggé
koeploek, sareng kasoemerepan te-
roes kawedalaken sanalika. Poenapa

boten prajogi dipoenélikaken (di-
poenawisi) roemijin?

Sadèrèng Tionghoa kagebag ratjak
nengenaken sanget dateng prakawis
dedagangan, njingkoer dateng onder-
wijs. Kanggé paseksèn, T. H. Keng
Kie Hwee ing Betawi noelak cursus
Engelsch Hollandsch, Boekhouden,
mawi basa Mlajoe ingkang sampoèn
dipoenwontenaken. Pantjèn namoeng
sakedik bangsa Tionghoa ingkang
remen dados goeroe, katanda goe-
roe-goeroe ing H.C.S. sapérangan
ageng kita Indonesièr.

P.G.P.K. ing Solo kados-poendi?
Déné tanpa wonten kabaripoen?

Pagersari 10 Dec. 1929.

S. D. MARTAJA.

K A G O E N A N.

PASEMON-PASEMON ING SALEBETING PADALANGAN.


Petikan sesorahipoen sadèrèk
Hardjawardaja.

(Sambetipoen Sw. T. No. 45).

IV. Ing salebetipoen djedjer I,
bibar pasowan djawi ladjeng kadá-
tonan, poenika mralambang bilih
manoengsa kinarsakaken babrana-
han.

V. Ing salebetipoen djedjer III:
gara-gara. Kalanipoen Semar medal,
dipoensoeloeki Djingking, oengel-
oengelanipoen makaten: „....Titi
toenda gagating ngarang, trisoenti
poernama djati, kapat mangka kalima
tjandala; mangka tjandala, é . . .
ana, leng-lenging djagad sanjata;
pat-oepaté oela lanang, é . . . ana,
pat-oepaté oela lanang, pangiridé
kebo doengkoel, sasisih sapi goe-
marang. — Triwat gatra toenda, jèn
pitika koelawoe benda; pat-oepaté
oela lanang, nang, doeng, nang, tak,
doeng, dang, doeng, gong.

Pamedar sabda boten saged nar-
boekani sadaja bengel wartosipoen
oengel-oengelan ing nginggil, na-



ning ngandikakaken bilih soeraos-
ipoen kénging ginarka makaten
„...Manoengsa koewi jèn kebowa
kebo doengkoel, jèn pitika ija pitik
koelawoe benda, éwadéné sisihané
sapi goemarang titihané Hyang Ba-
tara Goeroe.” Dados ateges: ma-
noengsa koewi titah loehoer.

VI. Salebetipoen djedjer IV medal
satrija. Manawi mlampah, Semar
wonten ngadjeg, poenika ateges
Semar dados djoeroe atedah margi.
Satrija perang kalijan danawa gang-
sal: mrasemoni perangipoen ma-
noegsa kalijan nafsoening pantja-
drija gangsal. Manawi dawah, satrija
dawahipoen mengkoerep, poenika
ateges ngroengkebi kaantepanipoen.

VII. Ing salebetipoen djedjer VI,
gendingipoen manjoera (merak) ate-
ges sampoèn merak dateng kelang-
gengan. Ing ngrikoe tjang kedah
anggengeti lelampahanipoen ma-
noengsa wonten ing ngalam donja
poenika taksih tjangkriman, tjang
boten saged ambatang manawi dè-
rèng moeroed dateng kalanggengan.

VIII. Bakda djedjer VI ladjeng
djedjer VII, gendingipoen Rina-rina
njandra Batara Soerja angantawisi
manawi sampoèn mèh rintin, wasana
tandjeb kajon, poenika kasoeraos:
sawoesé pinadangan Batara Soerja
kakarepané manoengsa bandjoer si-
nèlèhaké, tinantjebaké.

Bakda poenika ladjeng kasambe-
tan wedaling golèk, poenika teges-
ipoen: „Golèkana oeniné ki dalang.”
— kadjengipoen: „lalakon sing ko-
deleng iki maoe ngemoe piwoelang
apa.”

Doemoegi semanten anggèn koela
lèngeti sesorahipoen sadèrèk
Hardjawardaja ingkang preloe-pre-
loe. Pengetan poenika boten koela
oeroetaken kados tatanan oeroet-
oeroetaning sosorah.

A. S. D.

ELÈKING WARSA ÉNGGAL.

Warsa énggal, gagrag
énggal? Poenapa poenika na-
moeng badé kendel ing pitakénan,
poenapa badé kaleksanan saèstoe,
koela boten saged oetawi dèrèng
saged ngatoeraken. Ananging meng-
gahing Sw. T. mitoeroet rembag-
rembag oetawi oesoel-oesoel, ing-
kang sampoèn kamot ing Sw. T.
minggoe ingkang sampoèn kapeng-
ker, sadjak teka badé boten na-
moeng woedjoed pitakénan kema-
won. Oepami oesoelipoen K.W. ing
Blitar; orèhanipoen Sad. Ordeeka
toewin nembé mangké karanganip-
poen sad. Soe-Tédja, poenapa malih
ngengeti ombjaking djawi makaten
oegi. Oepami koela namoeng mligi
maos oesoelipoen K. W. ing Blitar
tok, manah teroes mantep: ija pra-
joga digawé dagblad. Ananging sa-
reng maos goebahanipoen prijantoe
kekalih kaseboet ing nginggil, la-
djeng mbak plenggong, lo, kok ija
ora gampang arep ngedegaké dag-
blad ikoe; boetoehé kok akèh timen.
Woesana ladjeng namoeng tengoe-
tengoe, pikiran mrika-mrika, ngga-
gas-nggagas ngantos pandjang, doe-
moegi ing ngendon kepanggih: ing-
gih roedjoek inggih boten roedjoek,
liripoen: boten saged moetoesi pijam-
bak, kepeksa nrimah. Wontenipoen
ladjeng namoeng njoemanggakaken
dateng ingkang wadjib ngrembag
bab poenika. Lah, ingkang wadjib
bab poenika sinten? Wangsoelan
koela: lah inggih ingkang kagoengan.
Lah, sinten ingkang kagoengan? Lo,
la inggih. Sinten boten ngertos
bab poenika? Mila ing parepatan
taenan ingkang badé kawontenaken
poenika temtoenipoen wah badé
wonten rembag katah sanget. Koela
memoedji sanget sagedipoen toe-
mindak saé lan amoetoesi oesoel-
oesoel lan pitakénan sadaja, lang-
koeng-langkoeng prakawis serat ka-
bar kita Sw. Tm.

Inggih wadjib temtoenipoen ke-
dah mireng saking kiwa-tengen ka-
dos-poendi rembag poenika manawi
kaoemoemaken; sebab-sebab ingkang
katjenggoelaken déning sadèrèk Soe-
Tédja temtoenipoen boten kénging
katilar, kedah kagali saèstoe, ke-
djawi satonggal: inggih poenika,
jèn Sw. Tm. kedah gadah drukkerij

pijambak, samangsa badé kadamel
dagblad. Sebab saking pamawas koe-
la, manawi kaleksanan poenapa ing-
kang dados pangadjeng-adjengipoen
sad, Ordeeka: Sw. Tm. sampoèn a-
kendit ringgit, inggih saged madeg,
sanadjan dèrèng gadah drukkerij pi-
jambak, kados déné serat kabar pa-
dintenan sanès, ingkang kaetjapaken
ing pangetjapan déné gadahanipoen
pijambak. Déné oepami idam-idaman
makaten poenika kaleksanan saèstoe,
lah inggih djempol; namoeng saging
saged-saged inggih diponarah saking
sakedik, oeger madjeng kémawon,
boten moendoer lan boten kendel
tengoe-tengoe kados koela nalika
nggagas-nggagas rembag nginggil.
Koela namoeng gadah boedi satoeng-
gal, mangka sampoèn koela oelar-
oelir teka boten saged mlampah (pa-
dang), mila inggih ladjeng nglokro
sakedik. Déné manawi ingkang wa-
djib (kagoengan Sw.Tm.) rak katah
ingkang djempol, dados saged mran-
tasi manawi wonten rembag poena-
pa-poenapa. Rak inggih makaten
ta rama Redacteur? *)

Soemangga sadèrèk sami toemoet
oeroen-oeroen moedjoedi oekara
ninggil: warsa énggal, gagrag éng-
gal menggahing Sw. Tm. serat ka-
bar kita, Jejasan kita badé soeboer
manawi katah ingkang teteloeng
anggoela-wentah. Jejasan kita badé
lestantoe manawi katah ingkang
mendidik. Tjantjoet tali wanda ngoer-
banaken baos soekoe kanggé serat
kabar kita Sw. Tm. Nanging ing-
kang temtoe saking panginten koela
kok bab Administratie ingkang ke-
dah langkoeng kasaèkaken, teges-
ipoen, kedah bèrès kados pangandi-
kanipoen sad. Ordeeka: Sw.Tm. ke-
dah akendit ringgit. Soemangga poe-
nika dadosa panggalihan. Noewoen.

PARARTA.

*) Inggih. Kita satoedjoe kalijan para ing-
kang sedya ngelar [ngerepi wedalipoen] Sw.T.
awit doemoegi sapoenika mila lagi roepak.
Sw. Tm. minggoe wingking kepeksa boten
saged ngemot kabar Katoelik. Poenapa malih
redactie saben-saben Sw. Tm. badé medal
tansah milih ndjilmet, karangan poendi ing-
kang prajogi (karoemijnaken manoe ébaling
djaman, soepados sampoèn ngantos waoe)
kamot. Ananging Sw. Tm. prajogi (kedah)
kerep medal oetawi botenipoen, lah poenika
ingkang kagoengan wadjib ingkang badé
ngrembag [moetoesi]. Red.—

SAKING PAKEMPALAN.

PANGROEKTI LAJA NGAJOGJA- KARTA.

(Namoeng katjatet ingkang
perloe-perloe).

Manoet jaarverslag, kala parepa-
tan ddo. 15-12-29 (kadatangan war-
ga sakiranglangkoeng satoes):

tjatjahing warga sapoenika won-
ten 130. Katahing arta melebet f
354,24, sasampoenipoen kanggé
preloe warni-warni sapoenika anga-
dahi arta: f 729,565.

P. L. pikantoe paringan Altar
sèla saking pandjenenganipoen Broe-
der Overste sampoèn ladjeng kadè-
kèk wonten pasarejan gadahanipoen
P. L. ing Koentjèn, sapoenika sam-
poèn wiwit kapasang.

K. W. NGAJOGJAKARTA.

(Parepatan tanggal 21 December,
djam 6.30-8.15 sonten, manggèn
ing Mulo-klas.)

Inggih rawoeh boten nglegaken.
Sasampoenipoen kawewahan sa-
watawis, NOTULEN katetepaken ab-
sah. Pangarsa nenangi para warga
soepados samija njoeboeraken jaja-
san K. W. Ngajogjakarta.

Agenda PAKABARAN, ingkang
preloe: K. W. Ngajogja badé oer-
oen-oeroen kanggé adaging Altar
ing sawenèhing Grédja ing Nede-
rland.

OESOEL-OESOEL, dateng P. K.
W., bab:

ROEKTI WOERI: a) Kasoewoen
soepados P. K. W. soeka pangoe-
waos dateng R. W. ngawontenaken
parepatan pijambak. Sebab warg-
aning R. W. inggih wonten katah
ingkang boten dados warganing
K. W.

b. K. W. ingkang wonten agent-
ipoen R. W. soepados anglebetna
agent waoe dados oetoesan wonten
konggrès P.K.W. ngadjeng poenika.
Ingkang makaten waoe gandèng
kalijan anggenipoen R.W. inggih
dados rembag wonten konggrès
P. K. W.

VAN LITH FONDS. Kasoewoen:
manawi P.K.W. netepaken pedjah-
ipoen Van Lith Fonds kanti offi-
cieel (ingkang ladjeng noeksma
wonten Van Lith Stichting), soepa-
dos amanah Studiefonds gadahan-
ipoen Van Lith Fonds.

SWARA TAMA. (Oesoel poenika
leresipoen gandèng kalijan pakar-

CORRESPONDENTIE.

Stan. moertie dipoensrantosaken sakedap.
Sad. S. minggoe ngadjeng.

janing redactie); menawi saged pé-
rangan Oerap-Sari dipoenkatahana
malih. Kedjawi poenika, ngngetaken
soepados kabar-missie kalebetaken
dateng Tamtama kémawon, djer
poenika sampoèn dados poetoese-
aning konggrès ingkang sampoèn).

PANGREH P. K. W.: kaoesoelaken
pindah dateng Moentilan, margi
kamanah Ambarawa poenika tebih
saking djagad pakempalan.

Déné ingkang kasawoengaken
dados warga-pangrèh-padintenan:
R. J. Djaja-Atmadja.

KONGGRÈS: kasoewoen mang-
gèn wonten Soerakarta; Lan, manawi
konggrès P. K. W. poenika moegi
kadamela semoea: mawi titingalan,
oetawi sosorah-sosorah kanggé
oemoem, dados boten njenjet kema-
won kados ingkang sampoèn-sam-
poèn.

**

Agènda „Oesoel-oesoel dateng
tjabang Ngajogja”, parepatan netep-
aken:

a. Nindakaken poetoesan ingkang
sampoèn badé ngadani „pakempalan
main tjatoer,” sarana njereg pri-
jantoe ingkang soewaoe sagah
dados pantoentoen ing schaaclub.
b. Manah badé ngawontenaken dar-
ma-wisata (excursie) kinten-kinten
béndjing April. c. Ngawontenaken
Mis, samangsa wonten warga tilar
donja. d. Manawi parepatan, badé
manggèn ing dalemipoen warga ing-
kang karsa nampi. e. Kaangkah sa-
sagedipoen kala-kala ngawontenaken
klenengan. f. Mahargia S. Joesoep
Pangajomaning pakempalan g. Ich-
tijar ngoepadosaken dana kanggé
titijang Katholiek ing Manggarai
(Flores) ingkang sapoenika sami ka-
sangsaran déning kikirangan teda.

Verslaggever A. S. D.



Ngatoeraken soe-
geng 25 Dec. lan
taoen énggal.

M. P. SOEMANDAR.



O E R A P - S A R I

K A B A R K A T H O L I E K

Pakoendjaran ing Ierland kotong.

Kala 25 Sept., Times New York ngewrat seratipoen Dan Cullers O' Flaherty. Cullers O' Flaherty poenika tijang Protestant, pangandjoer Methodist, poenapadéné tijang ingkang ngoedi sanget karmardikaning Agamaning nagari Ierland.

Seratipoen asoeraos makaten: „Kala 17 Sept. s.k. The Associated Press martosaken bilih pakoendjaran ing Ierland badé ka-toetoe, margi boten wonten tijang prantéjan. Prakawis poenika wonten babading manoengsa pantjèn anggoemoenaken. Manawi koela ngèngeti pakoendjaran² ing Dartmoor lan Mountjoy, Kilmainham toéwin Kilkeny ingkang nalika djaman papréntahan Inggris taksih isi tetijang koendjaran, mangka sapoenika ladjeng kanggé setatsijoen radio lss, poenika koela ladjeng jakin sanget dateng éwah-éwahan ingkang ngédab-édabi poenika ingkang toewoeh saking dajaning kamardikan. Lan, pangawon-awon ingkang toemandoe kateng Ierland malah andadosaken koentjaraning namanipoen. Salebetipoen 5 abad langkoeng, Inggris tansah ngawon-awon Ierland, mastani bilih bangsa Ier poenika tanpa pranatan, boten saged maréntah pijambak. Nanging sapoenika, ... Ierland namoeng gadah tijang prantéjan 700. Sasoemerep koela boten wonten nagari satoenggal kémawon ingkang njamèni Ierland bab prakawis poenika. Kadosdéné kita Richmond ingkang djiwanipoen 200.000, tijangipoen prantéjan langkoeng saking sapalih poenika, ka

djawi ingkang manggèn wonten tuchthuis. Ing Virginia poenika tjatjahing tijang koendjaran tikel 15 oetawi 20-nipoen tijang koendjaran ing Ierland.

Wontening pawartos makaten poenika toemrap bangsa Ier poenapadéné para mitranipoen Ierland, saestoe ambingahaken, lan mongkogaken manah. Mangka djomedoeling pawartos waoe anjarengi ing Dannemora, Leavenworth lan Colorado, pakoendjaranipoen sesak sanget, ngantos prantéjan 3000 kadosaken satoenggal wonten kamar ingkang pantjènipoen namoeng kanggé tijang 80.

Poenapa sababipoen déné Ierland ngantos makaten? Poenapa namoeng kamardikan tok? Lo, poenapa Amerikah Sarikat poenika dédé tanah mardika? Bédaning watakipoen bangsa ing Amerikah ingkang samanten katahipoen, doemoenoeng wonten papan langkoeng wijar, langkoeng katah godanipoen, poenika inggih saged toemoet andjalari bédaning Amerikah kalijan Ierland toemrap tijang prantéjan. Éwadéné, badéja makaten-makaten poenika, wonten sabab satoenggal ingkang boten kénging sinélakan, i.p. dajaning Agama Katholiek. Ing ngriki tétéla bédanipoen nagari ingkang Agama Katholiek roemasoe ing baloeng soengsoeming kawoela kalijan nagari ingkang kawoelanipoen sapalih kémawon boten wonten ingkang malebet ing salah toenggiling Agama Kristen.

K A B A R O E M O E M I N D O N E S I J A H

Wangsoelan saking Paréntah.

Warga Raad Kawoela R. M. A. A. Koesoema Oetaja kala Agoestoes miterang dateng Nagari bab pawartos ingkang njarijosaken katah intellectueelen ingkang malebet koeli kontrak.

Prakawis poenika, nagari sampoen paring wangsoelan. Tjatjahing koeli ingkang njamboet damel wonten onderneming 325 panggénan (Soematrah Wétan kalijan Atjih) wonten 250.000 tijang.

Ing tanah Soematrah Wétan wonten koeli 174 ingkang naté dateng H.I.S., nanging tijang samanten waoe ingkang 115 boten tamat anggènipoen sinaoe. Déné sanèsipoen ingkang tjeta manawi tamat sekolahanipoen namoeng 18. Tijang 18 poenika, ingkang ladjeng dateng Mulo 3, dateng H.B.S. 3, dateng K.S. satoenggal, ingkang ladjeng dados goeroe satoenggal.

Ing Goepermèn Atjih, koeli ingkang naté dateng H.I.S. wonten 17, ingkang tamat namoeng tiga, sanèsipoen boten tamat.

Koeli 250.000 waoe dadosipoen ingkang nama pengadjaran 181, nanging ingkang sekolah dateng H.B.S., Mulo, K.S. boten wonten ingkang tamat satoenggal-toenggala.

Manggih barang kina.

Locomotief pikantoe pawartos saking Bandjarmasin, njarijosaken ing bawah Nagara wonten tijang pikantoe titikan pirantos baita djaman kina. Katjarijos, wonten tijang Arab soegih ladjeng njéwa papan waoe toewin neroesaken andoe-doeki ngantos angsal tjagak baita, lan pirantos sanès-sanèsipoen, ingkang katah kadjeng djatos; arta Tjina wedalan kina pinten-pinten, gotji-gotji, toewin paparsèn-paparsèn Hindoe. Bokmanawi kémawon poenika baita Hindoe kala djaman roemijin ingkang kanggé lalajanan dagang kalijan bangsa Dajak.

Raad Kawoela.

Katjarijos bédjeng tanggal 10 Djanowari taoen ngadjeng poenika, Raad Kawoela wiwit papatan malih.

Badé mirah bir?

Ing Medan (tjalon) dipoenedegi pabrik bir. Pabrik waoe anggadahi pawitan f 200.000 kabagé dados 200 aandeel, saben 1 aandeel regi f 1000. Sapoenika ingkang kapasokaken sampoen 50 aandeel. (J. Court.)

Waterleiding Pakalongan.

Gemeente Raad Pakalongan sapoenika ngroedjoei wontening waterleiding ing kita ngrikoe.

Dongèngipoen tjelik, toekang noegel goeloe.

Dèrèng dangoe *Pewarta Deli* njarijosaken bilih ing Kota Pinang soe-mebar wontening pawartos ingkang boten adamel tintriming manahipoen

tetijang ing ngrikoe, i.p. bab tjelik oetawi toekang noegel goeloe.

Manoet kapitadosanipoen, tjelik poenika inggih tijang ingkang remenipoen noegeli goeloe kanggé sadjèn, lss.

Laré alit-alit, tijang-tijang sepoeh, sami adrih saja manawi loemampah wantji daloe mesti boten wani.

Kabar tjelik waoe ladjeng soe-mebar ngantos doemoegi onder-neming Telok Pandji. Koeli-koeli ing onderneming ngrikoe sami nginting-inting poen tjelik, samangsa kepanggih badé pinedjahan. Koeli-koeli waoe, mireng ing Benggali wonten oepas ngempetaken tjelik poenapadéné njimpeni patak-patak tijang. Koeli-koeli 180 ladjeng sami madosi grijanipoen oepas, sedyanipoen badé medjahi poen tjelik. Sareng kepanggih, poen tjelik katanang medal, nanging boten wonten medal. Ingkang wonten grija waoe namoeng oepas tok. Koeli-koeli sami gregeten, ... ladjeng mlebet grija, ... namoeng pinanggih kalijan oepas boten kepanggih poen tjelik. Oepas ladjeng dipoenbatjok, dipoentatoni, ... andadosaken lan tiwasipoen.

Koeli-koeli ingkang toemoet amedjahi oepas waoe dipoentjepeng.

Kapitadosan dateng tjelik boten namoeng andadosaken tiwasing njawanipoen oepas satoenggal kaseboet nginggil. Taksih wonten malih! Bakda wonten lampahan oepas pedjah poenika, ing onderneming Perlaboean inggih waradin wonten wartos bab tjelik. Koeli-koeli ngrikoe sami adrih, anak-anakipoen kareksa saestoe, ... awit pangandelipoen: tjelik remen sanget noegel goeloenipoen laré-laré.

Ing wantji sonten sampoen repet-repet wonten tijang loemampah andoengkloek. Kala samanten wonten koeli medal saking grija, soemerep tijang waoe. Poen koeli ambekta pedang, pangintenipoen tijang loemampah poenika mesti tjelik. Sareng tjaket, *tjelic* ladjeng dipoentandangi andadosaken lan pedjahipoen.

Sampoen mesti kémawon koeli poenika waoe inggih ladjeng dipoentahan.

Bestuur ing Kota Pinang saweg amboedidaja sageda ngitjali kapitadosan tjelik poenika.

Warga P. N. I.

Toewan Hartelust Goeprenoer Djawi Kilèn kawartosaken, moendoe katrangan tjatjahipoen warga P. N. I. ing tanah Pasoendan, angsal katrangan tjatjahing warga P. N. ing rikoe sampoen wonten 6668.

Njoewak goegoer goenoeng.

College Gedeputeerden ing provincie Djawi Wétan anggadahi pamanggih boten wonten pakéwedipoen angitjali karja nagari toemrap pandamelan irrigatie.

Wangsoelanipoen Paréntah

dateng R. Dwidjaséwaja.

Kala 17 Oct. warga gedelegeerde

Raad Kawoela R. Dwidjaséwaja ngatoeraken serat pitakénan dateng Paréntah soeraosipoen kados ing ngandap poenika:

Wonten wartoskala tigang woelan kapengker, Balé Poestaka betah poenggawa kanggé bagéjan serat kabar. Kala samanten ladjeng katah tijang Priboemisamineda pandamelan redacteur. Sanadjan netepi poenapa ingkang dados pepanggilanipoen, éwadéné sami katampik.

Ladjeng wonten njonjah ingkang nglamar, boten mangertos basa Mlajoe ingkang leres, boten netepi pepanggih, éwadéné ladjeng binebahan ngringkes kabar-kabar saking serat kabar basa Mlajoe. Sarèhné gadah diploma Duitsch, njonjah waoe dipoentampèni kémawon kanti blandja f160, mawi pradjandji bédjeng jèn sampoen mangertos saestoe basa Mlajoe, badé kainggahaken pangkatipoen dateng B. 13 ablandja apes f250 sawoelan.

Lan wonten sawenèhing tijang siti nglamar nggadahi diploma A. M. S. Soerakarta, wonten ingkang katampèn namoeng kablandja f110 sawoelan.

Gagajoenan kalijan nalar ing nginggil poenika, warga gedelegeerde kaseboet nginggil, njoewoen pirsas.

a. Poenapa paréntah nganggèp bilih pandamelan Balé Poestaka bagéjan serat kabar oemoemipoen boten kénging kagarap tijang siti? lan poenapa karsanipoen Paréntah déné pandamelan ing ngrikoe namoeng kénging kagarap bangsa Éropah kémawon? 2. Manawi ingkang kaseboet ing no. 1 poenika boten, poenapa Paréntah karsa ngénggetaken panganggèp B. P. bédjeng samangsa wonten lowongan sampoen ngantos toemindak makaten malih, mindak nama ambédakaken bangsa ...

Prakawis ing nginggil kawangsoelan Paréntah ddo. 5 Dec. soeraosipoen makaten: Poenggawa kantor serat kabar kedah gadah diploma tamat H.B.S. 5 taoen, gadah kawroeh basa Mlajoe oetawi sanèsipoen. Balandjanipoen ambtenaar golongan poenika toemoet schaal B. 18 ing B.B.L. 1925 — 1928. Pangkat redacteur (schaal A 19) poenika kalestantoemaken toemrap tetijang ingkang sapoenika taksih njepeng pangkat waoe. Nanging toemrap poenggawa énggal kedah manoet pranatan énggal, pandamelanipoen ingkang bakoe ngarang basa Mlajoe. Mila kedah mangertos Mlajoe ingkang kalimrah wonten serat-serat kabar toewin saged maos lan njerat basa Walandi.

Prakawis lowongan ingkang dipoenpikadjengaken R. Dwidjaséwaja poenika kala samanten ingkang nglamar namoeng tijang Priboemi satoenggal, toer tijang waoe kirang njekapi. Déné njonjah waoe anggènipoen katampi sareng sampoen wonten panglamar bangsa Éropah tiga sami sandé, déning blandjanipoen boten andadosaken leganing manahipoen. Njonjah waoe tampi blandja f160 poenika sampoen timbang kalijan diplomanipoen.

Kanggé tjaban-tjaban, ing B. P. afdeeling serat kabar wonten wedalan A. M. S. Soerakarta kalih, kablandja f100.

Dados ngéngeti ing nginggil poenika, toemrap pitakénan ing a. Paréntah paring wangsoelan „boten;” déné toemrap nomer kalih boten preloe dipoenparingi wangsoelan.

Pabrik gendis ing tanah Kedjawèn.

Manoet palapoeran Alg. Syndicaat van Suikerfabrieken in Nederlandsch-Indië, kanggé taoen 1928, ing tanah Kedjawèn wonten pabrikipoen teboe 33. Pabrik teboe samanten katahipoen poenika ingkang doemoenoeng wonten Ngajogyakarta 16.

Ing salebetipoen taoen 1928 boten wonten pasoelesaian toemrap bajar.

Tjatjahipoen kobongan, taoen 1928 langkoeng katah tinimbang taoen '27. Kala tn. '27 ing Soerakarta wonten teboe kobongan rambah kaping 18 nelasaken patebon 22 h.a.; ing Ngajogyakarta rambah kaping 15 nelasaken patebon 22 h.a. Wangsoel ing taoen '28, Soerakarta wonten teboe kobongan kaping 32, nelasaken: 59 h.a., Ngajogyakarta kaping 14 nelasaken 12 h.a.

Kapratélakaken kobongan waoe ingkang katah-katah margi tindak kirang ngatos-atos oetawi margi mawa locomotief ingkang langkoeng ing ngrikoe, dados boten sadaja saking pandamelipoen tijang awon.

Katerangaken oegi bilih pabrik waoe inggih ambatèni tetijang Priboemi margi anggènipoen toembas pirantos-pirantos damelanipoen tijang Djawi, mangka anggènipoen ngedalaken arta kanggé pirantos-pirantos poenika waoe boten nama sakedik (brondjong deling, doek, banon, lss.)

Tjatjah-tjatjah ing ngandap poenika dipoenganggé boekti, bilih arta pabrik inggih katah ingkang toemandja dateng tijang Djawi.

ONTJÈN SEKAR GAMBIR MELATI.

O,, TENTREM, TENTREM !!!

Pandjenengan mesti taksih kèngetan djaman 1914-1918!

Poenapa wohipoen perang ageng kala samanten?

Tijang ingkang pedjah wonten: 13 mlijoen (Tijang samanten poenika jèn kapoerih baris njakawan, sijang daloe loemampah, lan loemampahipoen limrah, saweg saged rampoeng salebetipoen sawoelan; manawi dipoenemot ing baita, kedah kasedijanan baita 13.000 . . .) Déné ingkang nandang tatoe: 16 mlijoen. Ingkang poetoeng tangan soekoe, oetawi iganipoen wonten 5.600.000. tijang. (Djiwa samanten poenika jèn kapoerih djédjèr moloe-moloe, pandjanganipoen wonten saking Anjer Kidoel doemoegi Banjoewangi; manawi kapoerih baris njekawan-njekawan, rampoengipoen kirang langkoeng satengah woelan). Kadjawi poenika, perang ageng waoe angriskasaken barang darbé pa-ngaos: 200 mlijoen roepijah.

O, saestoe anggigirisil!

Penganggèp boten saé toemrap perang, poenika djaman sadèrèngipoen Sang Kristoes mijos sampoen wonten. Poedjangga Horatius (65-8 sadèrèngipoen Sang Kristoes), sampoen saged tjrijos: „Bella matribus detestata” - „paprangan koewi disengiti para bijoeng.”

Nanging panganggèp waoe saja ngaléla tjeta, sareng bangsa Éropah sampoen ngalami kasangsaran déning dajaning perang 1914-1918.

Bakda perang donja, tetijang ladjeng ngelak dateng katentreman.

Para maos! Pandjenengan mesti inggih kèngetan Volkenbond wedalan Wilson! Pandjenengan inggih kèngetan oegi, kala tanggal 27 Agoestoes 1928 para wawakiling pradja pinten-pinten sami nanda tangani pradjandjian „Anti Oorlog” wonten ing Paris. Anggènipoen sami ngadani „Kellogg Pact” waoe, manoet oengel-oengelan ing pradjandjian, margi: „sami mangertos terang soetjining kawadjabanipoen ngadjengaken karahardjaning manoesa. (Diep doordrongen van hun heiligen plicht, het welzijn der menschheid te bevorderen).

Nanging sinten ingkang poeroen matitisaken galoetipoen Amerikah kalijan Inggris anggènipoen kados sigédèg karo siantoek, bokmanawi boten wani netepaken bilih „Kellogg Pact” waoe lahir batos saestoe. Saja manawi tijang ngraosaken burgeroorlog ing nagari Tiongkok, ngraosaken lelajananipoen Roeslan kalijan Tiongkok, koela kinten malah ladjeng netepaken bilih bedamèn ing Paris waoe loegoe namoeng lelamisan kémawon.

Wonten ing *De Koerier* no. 199, 27 Nov., pandjenengan saged pirsas litnan barisan samodra toewan L. Doorman angoesoelaken njantosani barisan samodra lan daratan. Preloenipoen poenapa? Namoe kanggé andjagèni soepados samangsa-mangsa wonten perang, Nederland saged angoe-koehi anggènipoen neutraal. Dados ing ngriki tétéla Nederland (litnan Doorman) ngandoet koewatos bok bilih tembé wingking wonten perang malih.

Nalika Amerikah noetoeri Roeslan kalijan Tiongkok soepados sami roekoen, republik Roeslan semoe boten narimahaken! Mangka ang-

gènipoen Amerikah ènget-ènget waoe awawaton déné Roeslan inggih toemoet nanda tangani Bedamèn Kellog.

Nalar-nalar ing nginggil poenika manawi karaosaken mesti noewoehaken manah sangga roenggi, boten ngandel kalijan Anti Oorlog waoe. Tetijang ladjeng moengel kados sang Victor Hugo:

„Tout le monde pue, pue, pue, . . .” „De heele wereld stinkt, stinkt, stinkt, . . .”

„Sadjagad angganda batjin, batjin, batjin, . . .”

Nanging poenapa atoe koela ing nginggil, anggadahi teges: katentreman ikoe ora kena ginajoeh??

O, babar pisan boten!

Prof. Mr. J. van Kan, kala medar sabda bab „Het Vredesprobleem als Rechtsprobleem” wonten Betawi tanggal 8 Djoeli '29, ngandikakaken ingkang soeraosipoen makaten: „Koela jakin sanget, tetijang mesti badé nglampahi, oeger dipoenmangertosaken saestoe dateng rembag katentreman, dipoenserep-serepaken bilih katentremaning djagad makaten dédé impèn; saged kelampah saestoe! Dados kedah dipoensomerepaken: tentrem koewi bisa kelakon, lan inggih kedah kamangertosaken: keprijé bisané kelakon . . .”

Prof. van Kan oegi ngandikakaken sambékalanipoen panggajoe dateng katentreman ingkang saprika-saprika tansah wonten kémawon, i.p. anggènipoen bangsa² amboedjeng kamoeljanipoen pijambak, inggih nationale zucht oetawi *sacro egoismo*.

Katentreman pantjèn kénging ginajoeh! Sinten ingkang soemedya loemebet wonten Pirdoesing Katentreman kedah boten nilar Wet Katreman: „Sira nresnanana Goesti Pangéranira kanti goemolonging ati, soekma, boedi lan kekoewatanira. Lan, sira nresnanana papadanira dikaja karo awakira déwé.” (Marcus 12: 30—31).

Manawi sadaja bangsa saged netepi pepatjoeh poenika, Katentreman badé soemrambah anartani saloemahing djagad.

Kadang Katholiek! Atoer koela ing nginggil koela tanggoehaken pandjenengan bakda ngloehoeraken dinten pangèngèt-èngèt Mijos Dalem Ratoening Katentreman, lan ngadjengaken taoen énggal!

Moegi barkah pangèstoe Dalem ingkang pandjenengan soewoen salebetipoen ngloehoeraken Ratoening Katentreman waoe, amajoengi lampah pandjenengan wonten taoen ngadjeng anandangi poenapa kémawon ingkang mikantoei toemrap Allah lan siti - kelahiran.

Moegi anggèn pandjenengan sami ngloehoeraken Ratoening Katentreman, saged ndajani temtreming bawana!

„Tentrem, . . . tentrem” — makaten ingkang kedah dados sasanti kita. Djer katentreman makaten dados karsa Dalem Pangéran rikala nitahaken boemi langit saisinipoen!

Wasana ing dinten 25 December, koela ngatoeraken „bukti, taklim, toewin pamoejji” dateng pandjenengan sadaja.

Kumuningsasélé 23 Dec. Taklim: PATJAR MÉRÀH.

MANTJA NAGARI.

AFRIKA. Gégéran ing Nigeria. Tilgram Aneta saking London dd. 18 lan 19 December anjarijosaken ing kita Opobo lan Aba bawah Nigeria, wonten gégéran.

Inggang dados sababipoen margi tetijang Priboemi ngriki sami kalintoe panampi babagan paos pamedal. Tetijang sami nginten bilih tijang èstri sadaja sami kénging paos, sarta badé boten poeroen ambajar. Ingkang makaten waoe andjalari tetijang ngrikoe kala 11 Dec. sami arak-arakan. Tetijang èstri éwon sami toemoet arak-arakan waoe. Mangka poelisi inggih sampoen nerangaken bilih tetijang èstri boten kakéngingaken paos.

Arak-arakan kaseboet nginggil ladjeng angrerisak poenapa-poenapa langkoeng-langkoeng ing sakiwa-tengenipoen Opobo kalijan Aba.

Sampoen mesti kémawon poelisi sabijantoe kalijan militèr ladjeng djagidjagi. Ing tanggal 18 Dec. para ingkang damel resah waoe nglawan prijantoe Nagari, lan tandangipoen saja santer ngantos wani badé ngreboet sendjatanipoen pradjoerit. Temahan, militèr kapeksa ngoenggelaken sendjatanipoen, andjalari wontening radja tatoe pinten-pinten lan pedjahipoen tijang kalih dasa (ingkang sapérangan ageng tijang èstri).



M. v. BIENE.

Toekang herlodji
dan Toekang emas.

Adres jang
moerah

DJOKJA BANDOENG
Telf. 252 Telf. 226

boeat LONTJENG, HER-
LODJI dan PERKAKAS
EMAS.

Pembatja
SWARA TAMA,

dengan bawa lembaran
Swara Tama
dapat POTONGAN.

PAKOLEH TOER LOEWESAN
SAE TOEWIN AWET
INGGIH NAMOENG

MERK GAZELLE

INGKANG AWOEDJOED
ALCYON }
DUNLOP } RIJWIELEN
R. I. W.

Nitjil kénging! – Kentjèng soekoer!

GAZELLE HUIS – ROEMAH GIDANG
MALIOBORO – DJOKJA – TELF. 508.

KALAU BELI OBAT - OBAT

DJOKJA DJOKJA

mémang tiada maoe pakai per-
tjoema, melainkan boeat djaga
keséhatan. Tetapi kalau tiada te-
rima obat jang selamanja baroe
dan paling baik, lebih pintar
Djangan beli sama sekali.

Obat-obat keloearan roemah² obat

MALIOBORO „RATHKAMP” MALIOBORO

soedah terkenal berapa banjak
poeloehan tahoen dan bisa dapat
beli dimana-mana tempat. Kalau
dapat beli tjap

DJOKJA „RATHKAMP” DJOKJA

tanggong beli jang paling baik.
Djaga tjap „RATHKAMP”
dan „ERCEE”

DJANGAN TERIMA BARANG JANG BARANGKALI KOERANG BAIK.

BEKTI,
TAKLIM
lan
PAMOEDJI

koela, ing dinten:

25 DECEMBER

Poerwakinanti
Djokja 25/12 '29 — A. S. Dwidjasaraja
sa-anak - bodjo.

TOKO DJOEN & CO.

PATJINAN Telf: No. 374 DJOKJA.

BOEWAT MERAJAKAN HARIE RAJA
TAHOEN BAROE.

KITA BAROE TRIMA:

ROEPA² MERTJON DAN KEMBANG APIE

Dari fabriek di Batavia, Semarang, Koedoes, dll.

OKKERNOOT dan KASTANJES
per pond F 1.00

BOEWAH APPEL jang bagoes dan lain².

Datenglah saksiken!

Memoedjikan dengan hormat
Toko DJOEN & Co.

TOKO BARANG-BARANG.

H. SPIEGEL – DJOKJA.

BOEAT KEPERLOEAN ST. NICOLAAS:

kami ada sedia:

roepa-roepa dolanan bagi anak-anak
moelai harga 15 cent sampai f 40.

OENTOEK KEPERLOEAN KERSTMIS,

kami ada sedia:

matjem-matjem barang boeat geschenk;
Kerstboomen dan perhiasan Kerstboom

Sekolahan-sekolahan dan perhimpoean-perhimpoean,
bisa terima potongan harga.

VOLKSALMANAK MELAJOE
1930

soedah habis didjoeal

Dalam koerang lebih tiga boelan sadja soedah bisa lebih dari
40.000
(beloem terhitoeng 40.000 Volksalmanak Djawa dan Soenda)

akan tetapi djangan takoet

sebab mengingat keperloeian toean² jang beloem memesan, BALAI
POESTAKA soedah moelai tjétak tambahannja Volksalmanak Melajoe
8000 lagi!

SIAPA SOEKA BOLÉH BELI, SIAPA SOEDAH TENTOELAH POEDJI!

DJAMNJA HARI ACHAD DI SEMENTARA TEMPAT ADA KOERBAN MISSA.

Ambarawa 6.30 - 8.30. Amboina 7.30. Bagan Siapi-api 7.30. Bandoeng 6 - 7.30 - 9. Benkoelen 7.30 - 9. Blitar 7.30. Buitenzorg 6 - 8. Cheribon 7.30. Djember 7.30. Djokja: Kampementstraat Eur. 7 - 9. Jav. 6 - 8. Kota Baroe 6 - 7.30. Djombang ¹⁾ 7.30. Fort de Kock 7.30. Gandjoeran ²⁾ 7. Gombong ³⁾ 7.30. Kebomèn ⁴⁾ 7.30. Kediri 7.30. Klatèn 7.30. Koeta Radja 6.30 - 8.	Lamah 5.30 - 6 - 8. Lawang ⁵⁾ 7. Madioen 6 - 7.30. Magelang 7 9. Makassar 6 - 7.30. Malang 6 - 7.15 - 8.30. Manado 6 - 7.30. Medan 6.30 - 8 - 8.30 (tjina). Medari ⁶⁾ 7.30. Meester Corn. 7 - 9. Mendoet 6 - 7.30. Modjokerto 6 - 8. Moentilan 5 - 6 - 8. Muntok 8. Ngawi ⁷⁾ 7.30. Padang 7 - 8.15 - 9 (tjina). Padang Pandjang 7.30. Pajakombo 7.30. Palembang 7 - 9. Pasoeroean ¹⁾ 7.30.	Pekalongan ⁸⁾ 7.30. Pemalang ³⁾ 7.30. Pemangkat 8.30. Poerwokerto 7.30. Poerworedjo 7 - 8.30. Pontianak 7 - 8.30. Probolinggo 7.30. Salatiga 7.30. Sambas 6 - 8.30. Sambong 8. Sawah Loento 7 - 8.30. Sedajoe 7. Sedjiram 5.45 - 8.30. Semarang: Gedangan 7 - 9. Bangkong 6.30 - 8. Tjandi 7. Randoesari 7. Singkawang 6.30 - 9. Soekaboemi 6 - 7.30.	Soerabaja: Kepandjèn 6 - 7 - 9. Anita Boul. 6 - 7.30 - 9. Soerakarta 6 - 7 - 8.30. Tandjoeng Balai 7.30. Tandjoeng Karang 8. Tandjoeng Sakti 7.30. Tara-Tara 7.30. Tegal ²⁾ 7.30 - 9.30. Tering 7. Tjilatjap ⁸⁾ 7.30. Tjimali 6 - 8. Tomohon 7 - 8 - 9. Wates ⁷⁾ 7. Weltevreden: Waterlooplein 5.45 - 7 - 9. Kramat 6 - 8 - 9 (mal.). Wonosobo ⁸⁾ 7.30. Woloan 8.30.
---	---	--	--

¹⁾ 1e. Achad.
²⁾ 1e. + 3e. Achad.

³⁾ 2e. Achad.
⁴⁾ 1e. Achad tiap² doea boelan.

⁵⁾ 1e., 2e., 4e. Achad.
⁶⁾ 2e., 4e. Achad.

⁷⁾ 3e. Achad.
⁸⁾ 4e. Achad.

Sapoenika, kawontenan ing ngrika sampoen lerem; pabrik-pabrik wiwit njamboet-damel malih.

Pangageng Wetgevende Raad ingkang dipoentjépeng golongan damel gègèr, sampoen dipoenpitoeloengi militèr, kaloewaraken.

BARITANIJAH. Eere burger-schap. Mac. Donald kalijan Snowden kala 19 Dec. pikantoeke eere burger-schap London. Nalika semanten Mac. Donald medar sabda asoeraos: moegi anggènipoen mentas mertamoe dateng Amérika Sarikat poenika anoe-moesi lestatoening katentremaning bawana; margi, kanggé ngadjengaken adiling djagad, poenika boten won-sanèsipoen ingkang lakoeng preloe kadjawi roekoenoipoen Inggris kalijan Amérikah.

Déné toewan Snowden njarijosaken bilih saéning lalajanipoen djagad internasional poenika boten badé saged lestantoen saé, manawi boten dinasaran adil.

Boten narimahaken tindakipoen Sovjet. Ing London salebetipoen minggoe kapengker wonten tijang pinten-pinten nglempak ing gedong Albert Hall perloe boten narimahaken tindakipoen paréntah Sovjet anggènipoen ngoeja-oeja golongan Agami. Tetijang ingkang sami ngalempak wonten ngrikoe, ingkang sapérangan ageng wanita. Kala samanten sadaja kémawon sami ngeningaken tjipta kèmanoe kanggé anggolongaken boedi lan manah ngèngeti tetijang ingkang sami nandang sangsara karana Agamanipoen ing tanah Sovjet.

Saking oesoelipoen Lord Erentford, parepatan ngwontenaken motie boten narimahaken sanget pamalinderipoen Sovjet dateng tetijang ing-

kang nglampahi Agami lan sakolah-an² ingkang mawi dadasar Agami.

Imam Agoeng Heriz njarijosaken bilih wontening pangoeja-oeja ing Roeslan poenika, ingkang kasangsaran pijambak bangsa Jahoeadi.

TIONGKOK. Ingkang dados sebab-sebabipoen burgeroorlog. Soepados para maos Swara Tama saged gamblang bab burgeroorlog ing nagari Tiongkok, ing ngriki koe-la petikaken sabab-sababipoen ingkang andjalari ing nagari waoe wonten paprangan sadèrèk sami sadèrèk.

Petikan ing ngandap poenika, saking *De Koerier*, déné Koerier pendetan saking salah satoenggilng koran Tjina ing Singapoer gadahanipoen Sin Kuo Min Press. Sin Kuo Min Press. poenika adatipoen mangertos gamblang bab gloetat-gloeting kawontenan ing nagari Tiongkok, mila katrangan ing ngandap poenika kénging sanget pinitados.

Katjarijos, nalika présidèn Chiang Kai dados présidèn, ladjeng ngrang-tjang bezuiniging ngirid wedaling arta nagari ingkang sampoen tipis sanget déning wontening burgeroorlog ingkang kapengker. Margi makaten waoe, Chiang Kai Shek ladjeng badé njoea katahing wadyabala. Roemaosipoen réhné sampoen boten wonten burgeroorlog, boten preloe gadah wadya bala katah-katah.

Maarschalk Feng Hu Hsiang (gadah bala 250.000) ingkang ngerèhaken provincie Shensi, Honan, lan Kansu toemoenten dipoenabani soepados ngringkes pradjoeritipoen kadadosaken 125.000. Nanging Maarschalk Feng boten poeroen. Maarsch Sung Chit Yen pangageng wadyabala ing Shengsi, niroe tindakipoen Feng, lan wasana ladjeng dipoentjopot déning présidèn Chiang Kai

Shek. Katjarijos, goeprenoer ing prov. Shansi (dédé Shensi) maarschalk Yen Shi Sin poenika setya dateng Paréntah Nanging. Maarschalk Yen Shi Sin ladjeng badé ngeloek pambalélanipoen Feng Hu Hsiang, sarana dipoenoelemi dateng Shansi, kaadjak rembagan. Nanging rembagipoen boten pikantoeke damel, maarschalk Feng taksih tetep angekahki anteping manahipoen. Margi makaten poenika, maarschalk Feng ladjeng dipoentjépeng.

Mireng pawartos maarschalk Feng dipoentjépeng waoe, mitranipoen i. p. maarschalk Sung Chit Yen ladjeng ngimpoe wadya bala 100.000 ngraman wonten Shansi. Kraman poenika toeroes pikantoeke bijantoe djéndral Sun Liang Chen ing Hanan, lan Seck Ching Ting ing Shensi. Wadyabalanipoen tijang tiga poenika kapérang dados tigang golongan, angkahipoen badé ngrabasa kita Hankow toeroes nggempoe kita-papréntahan Nanking.

Wadyabalanipoen Maarschalk Feng ingkang katahan waoe, (125.000) ingkang kirang langkoeng 60.000 sami toemoet dados wadynipoen nagari, kapangagengan djéndral Han Fu Chu kalijan Ngai Yi San, déné tirahanipoen nglempara tanpa titindih.

Bala kraman ingkang kalih panta dipoenpangagengi Sung Chit Yen lan djéndral Sun Liang Chen sami mlampah saking Tungkwan dateng wates Shensi kalijan Honan, ladjeng patjakbaris wonten Loyang ing margi sepoer Lunghai.

Saking Loyang, wadyabala golongan no. 1 (dipoentindhi Sun) mlampah dateng Tengfeng sakidoelkilèn Chengchow. Wonten margi saged noetoeti lampahipoen wadyabala 60.000 ingkang sami badé

anggolong kalijan wadyabalaning paréntah, kaseboet nginggil. Wadya 60.000 poenika waoe dipoenperangi lan kapeksa kapoerih wangsoel. Lampahipoen bala Sun kapapagaken wadyabala Nanking 40.000 dipoenpangagengi Tang Seng Chee, temahan wadyabala kraman kaseser, kaendoeraken doemoegi Loyang, ngantos sapriki taksih tjampoeh perang ramé.

Barisan kraman ingkang nomer 2, (dipoensénapatèni Sung Chit Yen) mlampah dateng Juehow. Sareng doemoegi 10 mil saking Juehow, barisan kraman kapapagaken wadyabala paréntah 60.000 dipoenkoemendiri Chiang Kai Shek pijambak. Wadya kraman kaseser sarta sami kepladjeng, dateng Tung-kwan, nanging saban-saben inggih taksih wangsoel.

Katjarijos warga barisan kraman ingkang no. 3 (attindhi djéndral Seck Ching Ting) lampahipoen mangidoel, sarta saged loemebet ing kita Lohokow ing pro. Hupeh.

Barisan no. 3 poenika dipoenpapagaken wadyabala regeering ingkang dipoensénapatèni djéndral Liu Chi. Tjampoehipoen wadya kraman kalijan pradjoerit Nanking wonten ngriki sakalangkoe ramé, doemoegi sapriki dèrèng wonten ingkang asor dèrèng wonten ingkang oenggoel.

Semoesemoenipoen sedyanipoen wadya kraman tigang golongan waoe ingkang barisan no. 2 sageda ngrebat kita Hsuehouw, ladjeng wadya barisan no. 1 Chengchow, lan wasana kalih-kalihipoen sasarengan nggepoek kita Hankow sisih Kidoel. Déné barisan no. 3 manawi sampoen saged ngebroki kita Siangyanfoe ladjeng reréntjang, tiga pisan madijeng sareng angetog kekijatan nggempoe

kita Hankow. Manawi sampoen saged ngrebat kita Hankow poenika tegesipoen sampoen gampil kémawon ngrebat Nanking ingkang dados doengengng poeseripoen papréntahan.

Nalika Tiongkok sisih Lèr wonten kraman waoe, sisih Kidoel ladjeng noetoeti. Déné ingkang dados nalaripoen makaten: Djéndral Chang Fat Hui poenika mangagengi Hupeh Kilèn, baris wonten Ironsides lan Ichang. Kala samanten angsal dawoeh saking présidèn Chian Kai Shek soepados patjak baris wonten Hankow.

Nanging, malah ladjeng brontak, pradjoeritipoen kalampahaken mangidoel; ingkang dipoentoedjoe kita Canton. Wadyabala Chang Fat Hui ngangseg malebet ing kita Hunan, tjampoeh kalijan wadyabala Hunan ingkang dipoenpangagengi djéndral Ho Chien. Wadyabala kraman saged nedesek malebet, ngantos doemoegi provincie Kwansi. Sareng doemoegi Kwansi ladjeng sakoeton kalijan djéndral Liu toewin Li Chun Jin, mangoen perang kalijan Canton, Wadyabalanipoen kapérang dados kalih golongan, ingkang sagolongan dipoen sénapatèni djéndral Chang, sanèsipoen djéndral ing Kwansi kalih waoe. Wadyanipoen Chang ngangseg dateng kwantung Lèr medal Kweilin. Déné wadyabalanipoen djéndral ing Kwansi, toeroesan kémawon dateng Wuchow. Pradjoerit ing Kwantung kaseser, neda bijantoe pradjoerit saking Nanking, sarta inggih pikantoeke bijanton saking Lèr kakintoenaken medal saganten.

Poenika para maos gantjeng-gantjenganipoen burgeroorlog ing Tiongkok. Ing ngriki tetéla, regeering Nanking dipoen-gapit saking Lèr lan Kidoel, kirang-kirang begdjanipoen saged hantjoer saestoe.